



Komisija za očuvanje nacionalnih spomenika, na osnovu člana V stav 4. Aneksa 8. Općeg okvirnog sporazuma za mir u Bosni i Hercegovini i člana 39. stav 1. Poslovnika o radu Komisije za očuvanje nacionalnih spomenika, na sjednici održanoj od 2. do 8. novembra 2004. godine, donijela je

## ODLUKU

### I

**Arheološko područje – Gradac na Ilinjači u Gornjem Kotorcu, općina Istočna Ilidža,** proglašava se nacionalnim spomenikom Bosne i Hercegovine (u daljnjem tekstu nacionalni spomenik).

Nacionalni spomenik čine: prahistorijska gradina, ostaci bedema kasnoantičkog utvrđenja i istovremene crkve, arheološki nalazi koji se čuvaju u Zemaljskom muzeju u Sarajevu i Muzeju grada Sarajeva, te arheološki nalazi u zemlji.

Nacionalni spomenik se nalazi na prostoru označenom kao dio k.č. 1345/1 (novi premjer), k.o. Vojkovići, z.k. uložak broj 256, što odgovara k.č. 2295/1 (stari premjer), k.o. Butmir Gornji, dio k.č. 1527 (novi premjer), k.o. Kasindo, što odgovara k.č. 2295/1 (stari premjer), k.o. Butmir Gornji i dio k.č. 1528 (novi premjer), k.o. Kasindo, općina Istočna Ilidža, Republika Srpska, Bosna i Hercegovina.

Na nacionalni spomenik se primjenjuju mjere zaštite utvrđene Zakonom o provođenju odluka Komisije za zaštitu nacionalnih spomenika ustanovljene u skladu sa Aneksom 8. Općeg okvirnog sporazuma za mir u Bosni i Hercegovini ("Službeni glasnik Republike Srpske", broj 9/02).

### II

Vlada Republike Srpske dužna je osigurati pravne, naučne, tehničke, administrativne i finansijske mjere za zaštitu, konzervaciju i prezentaciju nacionalnog spomenika.

Komisija za očuvanje nacionalnih spomenika (u daljnjem tekstu: Komisija) utvrdit će tehničke uvjete i osigurati finansijska sredstva za izradu i postavljanje informacione ploče sa osnovnim podacima o spomeniku i odluci o proglašenju dobra nacionalnim spomenikom.

### III

U cilju trajne zaštite nacionalnog spomenika, utvrđuju se mjere zaštite koje se odnose na dio prostora definiranog u tački I. stav 3. ove odluke. Granična linija zone zaštite počinje u uglu parcele k.č. 1539/1 (X=6528653 Y=4851170) i ide prema istoku granicom privatnih parcela k.č. 1535, 1534,

1530, 1529/1, 1529/2, 1531, 2796/1 i 1348, zatim nastavlja u pravcu juga trasom lokalnog zemljanog puta koji se nalazi na k.č. 1347 do krivine u tački X=6528785 Y=4851026. Od te tačke linija ide polukružno prema sjeverozapadu po koordinatama (X=6528765 Y=4851024), (X=6528741 Y=4851026), (X=6528717 Y=4851032), (X=6528691 Y=4851050), (X=6528670 Y=4851079), (X=6528655 Y=4851104), (X=6528647 Y=4851129), (X=6528647 Y=4851151), te se vraća na polaznu tačku na uglu k.č. 1539/1, čime se zatvara zona zaštite. Površina zone zaštite je 19.129 m<sup>2</sup>. Na tom prostoru utvrđuju se sljedeće mjere zaštite:

- dopušteni su samo arheološki istraživački radovi i konzervatorski radovi, uključujući i one koji imaju za cilj prezentaciju spomenika, uz odobrenje ministarstva Republike Srpske nadležnog za prostorno uređenje (u daljnjem tekstu: nadležno ministarstvo) i stručni nadzor nadležne službe zaštite naslijeđa na nivou Republike Srpske (u daljnjem tekstu: nadležna služba zaštite);

- nije dopuštena izgradnja novih objekata, niti postavljanje privremenih ili stalnih struktura čija svrha nije isključivo zaštita i prezentacija spomenika;

- nije dopuštena izgradnja, niti izvođenje radova koji bi mogli utjecati na izmjenu područja i promjenu ambijenta;

- nije dopušteno obavljanje radova na infrastrukturi, osim uz odobrenje nadležnog ministarstva i stručno mišljenje nadležne službe zaštite;

- nije dopušteno odlaganje otpada;

- prostor spomenika bit će otvoren i dostupan javnosti i može se koristiti u edukativne i kulturne svrhe.

U cilju provođenja **hitnih mjera zaštite** nacionalnog spomenika, potrebno je osigurati:

- čišćenje cijelog platoa od raslinja;

- arheološko istraživanje i konzervaciju preostalih arheoloških tragova bedema i crkve;

- izradu i provedbu programa prezentacije nacionalnog spomenika;

- odstraniti stari PTT relej koji je van upotrebe, a koji je postavljen krajem 80-tih godina XX vijeka na kamenu grudu i uz njega prateći drveni objekat;

- urediti pristupni put sa istočne strane lokaliteta od posljednjih seoskih kuća na vrh Ilinjače.

#### IV

Nacionalni spomenik je neistraženo arheološko nalazište. Svi pokretni nalazi, koji budu nađeni u toku arheološkog istraživanja, bit će pohranjeni u najbližem muzeju ili u Zemaljskom muzeju Bosne i Hercegovine u Sarajevu, obrađeni i prezentirani na odgovarajući način.

Iznošenje arheoloških nalaza iz tačke I stav 2. i stava 1. ove tačke (u daljnjem tekstu: pokretno naslijeđe) iz Bosne i Hercegovine nije dopušteno.

Izuzetno od odredbe stava 2. ove tačke, dopušteno je privremeno iznošenje pokretnog naslijeđa iz Bosne i Hercegovine radi prezentacije ili konzervacije, ukoliko se utvrdi da konzervatorske radove nije moguće izvršiti

u Bosni i Hercegovini, odnosno ako se procijeni da se konzervacija u inozemstvu može izvršiti kvalitetnije, brže i jeftinije.

Odobrenje u smislu prethodnog stava daje Komisija, ukoliko nesumnjivo bude utvrđeno da to neće ni na koji način ugroziti pokretno naslijeđe.

Komisija u svom odobrenju za privremeno iznošenje pokretnog naslijeđa iz Bosne i Hercegovine utvrđuje sve uvjete pod kojima se to iznošenje može izvesti, rok za povrat u Bosnu i Hercegovinu, kao i zaduženja pojedinih organa i institucija za osiguranje tih uvjeta, te o tome obavještava Vladu Republike Srpske, nadležnu službu sigurnosti, carinsku službu Bosne i Hercegovine i javnost

## V

Stavljaju se van snage svi provedbeni i razvojni prostorno-planski akti u dijelu u kome su u suprotnosti sa odredbama ove odluke.

## VI

Svako, a posebno nadležni organi Republike Srpske, gradske i općinske službe suzdržat će se od poduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu.

## VII

Ova odluka dostavit će se Vladi Republike Srpske, nadležnom ministarstvu, nadležnoj službi zaštite i općinskim organima uprave nadležnim za poslove urbanizma i katastra, radi provedbe mjera utvrđenih u tač. II - VI ove odluke i nadležnom opštinskom sudu radi upisa u zemljišne knjige.

## VIII

Sastavni dio ove odluke je obrazloženje sa pratećom dokumentacijom, koje je dostupno na uvid zainteresiranim licima u prostorijama i na web stranici Komisije (<http://www.aneks8komisija.com.ba>).

## IX

Prema članu V stav 4. Aneksa 8. Općeg okvirnog sporazuma za mir u Bosni i Hercegovini, odluke Komisije su konačne.

## X

Danom donošenja ove odluke, sa Privremene liste nacionalnih spomenika Bosne i Hercegovine («Službeni glasnik BiH», broj 33/02, «Službeni glasnik Republike Srpske», broj 79/02, «Službene novine Federacije BiH», broj 59/02 i «Službeni glasnik Brčko Distrikta BiH», broj 4/03), briše se nacionalni spomenik upisan pod rednim brojem 567.

## XI

Ova odluka stupa na snagu narednog dana od dana objavljivanja u «Službenom glasniku BiH».

Ovu odluku Komisija je donijela u sljedećem sastavu: Zeynep Ahunbay, Amra Hadžimuhamedović, Dubravko Lovrenović, Ljiljana Ševo i Tina Wik.

**Predsjedavajuća Komisije**

**Amra Hadžimuhamedović**

Broj: 05.2-2-247/04-5  
3. novembra 2004.godine  
Sarajevo